

思念的行影

伴著風姨來我的耳邊
到底是啥貨？

是迷茫者的哭訴
是情人司奶的話語
抑是
大海的交響樂

展翼飛越的海鳥
舞動著防風林的枝葉
海湧追逐著沿岸的石礁
交織一幅夢幻的天籟

偃耳聽
是出外人予海的情思
嘛靜寂寂行入我的心肝
心肝頂有淡薄仔憂傷
鄉愁敢會
干焦是出外人

波光閃爍
對遠方飄流
我的心嘛做伙
綴伊轉去故鄉